

REGLUR

221

24. nóv.

um félagsheimilið Laugaborg, Eyjafjarðarsýslu.

1. gr.

Nafn félagsheimilisins er Laugaborg í Hrafnagilshreppi, Eyjafjarðarsýslu. Lóðin er keypt af Hólmgeiri Þorsteinssyni fyrrum bónda á Hrafnagili. Lóðarstærð er rúmur einn hektari.

Eigendur félagsheimilisins eru:

Hrafnagilshreppur	60%
U. M. F. Framtíð	20%
Kvenfélagið Iðunn	20%

2. gr.

Húsnefnd, kjörin árlega, stjórnar félagsheimilinu. Hún er þannig skipuð, að hreppsnefnd Hrafnagilshrepps kys þrjá fulltrúa, en hvort félaganna einn fulltrúa. Varamenn skulu kjörnir á sama hátt og aðalmenn. Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda Þjóðskjalasafni Íslands gerðabækur til vörzlu.

3. gr.

Aðalfundur eigenda félagsheimilisins skal vera ár hvert. Skulu þangað kvaddir, með hæfilegum fyrirvara, stjórnendur þeirra félaga, sem eru eigendur félagsheimilisins. Á fundinum skal húsnefndin leggja fram rekstrar- og efnahagsreikning fyrir síðastliðið ár, endurskoðaða af endurskoðendum sveitarsjóðsreikninga. Einnig leggur hún fyrir fundinn fjárhagsáætlun fyrir yfirstandandi ár.

Fjárhagsáætlun skal gerð svo nákvæm sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað. Reikninga og fjárhagsáætlun skal bera undir atkvæði fundarmanna. Félagsstjórnir skýra frá því á aðalfundi, hvern þær hafa valið af sinni hálfu í húsnefnd næsta ár. Afrit af ársreikningum félagsheimilisins skal senda félagsheimilassjóði. Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

4. gr.

Aðalverkefni húsnefndar eru:

- Að ráða húsverð, setja honum starfsreglur og sjá um, að þeim sé fylgt.
- Að ráða annað starfsfólk, ef aðalfundur telur þess þörf. Leita skal umsagnar húsvarðar um ráðningu starfsfólks, sem á að vinna undir hans stjórn.
- Að ráðstafa félagsheimilinu til afnota fyrir eigendur og aðra.
- Að ákveða gjöld fyrir afnot hússins.
- Að annast kaup nauðsynlegra tækja og áhalda.
- Að sjá um viðhald og endurbætur húseignar, húsbúnaðar og áhalda.
- Að sjá um, að ræsting sé í góðu lagi og gætt sé ýtrasta hreinlætis í umgengni.
- Að sjá um, að húsið sé hæfilega hitað og lýst.
- Að sjá um, að löggæzla sé á samkomum, ef þess er þörf.

221

24. nóv.

Eigendur félagsheimilisins skulu, eins og aðrir, greiða leigu fyrir afnot hússins. Skytt er að heimila félögum, er greinir í 1. gr. laga nr. 77/1947, um félagsheimili, innan sama byggðarlags afnot af heimilum gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um, hvort slíkt félag eigi rétt á afnotum af félagsheimilinu, sker fræðslumálastjóri úr. Úrskurði hans má skjóta til menntamálaráðuneytisins.

5. gr.

Leiga fyrir afnot félagsheimilisins skal ákveðin svo há, að nægilegt fé fáið til þess að inna af höndum nauðsynleg gjöld, ef stofnuninni koma eigi aðrar tekjur.

6. gr.

Þess skal gætt, að húseignir, áhöld og annað lausafé sé hæfilega váttryggt.

7. gr.

Þess skal gætt, að húseignir, áhöld og annað lausafé sé hæfilega váttryggt.

8. gr.

Félag, sem samkomu heldur í félagsheimilinu, skal hafa þar gæzlumann af sinni hálfu. Ef húsvörður er enginn eða eigi við, þegar samkomu lýkur, skal gæzlu- maður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í vörzlu og loks loka vel hurðum og gluggum.

9. gr.

Að lokinni hverri samkomu eða notkun félagsheimilisins, skal húsvörður eða húsnefnd sjá um ræstingu þess, þ. á m. að gólf séu vel þvegin, salerni hreinsuð vandlega með sótthreinsandi efni og fatageymslur, bað og búningsherbergi ræst. Árlega skal fram fara gagnger ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðina skal girða traustri girðingu, er haldið sé vel við. Bifreiðastæði skal halda hreinlegu og vel við.

11. gr.

Fánastöng skal koma fyrir á húsinu eða við það. Hún skal vera traustlega fest og máluð hvít. Fánasnúran skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt að nota einungis fána með réttum litum og hlutföllum.

12. gr.

Árlega skal athuga húseignina alla vandlega með viðgerð fyrir augum. Einkum skal athuga: múrhúðun, þak, þakrennur, niðurföll, hurðir dyraumbúnaði, glugga (utan og innan), málningu, gólfduka, klæðningu veggja, hreinlætistöki, eldavél og hitunartæki, raflagnir og ljósatæki, vatnslögn og krana, gluggatjöld, leiksviðs- tjöld, gólf í sal o. s. frv.

13. gr.

Skemmdir á húseign, áhöldum og húsbúnaði, umfram eðlilegt slit, skulu þeir bæta, er spjöllum valda.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu tiltekinn tíma.

15. gr.

221

Reglur þessar, sem settar eru samkvæmt 8. gr. laga nr. 77 5. júní 1947, um 24. nóv. félagsheimili, öðlast gildi, þegar menntamálaráðuneytið hefur staðfest þær.

Framanritaðar reglur staðfestast hér með.

Í menntamálaráðuneytinu, 24. nóvember 1961.

F. h. r.

Birgir Thorlacius.

Knútur Hallsson.

REGLUR

222

24. nóv.

um félagsheimilið Aratungu í Biskupstungnahreppi, Árnessýslu.

1. gr.

Nafn félagsheimilisins er Aratunga, Biskupstungnahreppi, Árnessýslu.

Lóð félagsheimilisins er keypt af Kristni Sigurjónssyni, bónda, Brautarhóli. Lóðarstærð er 4 ha. Takmarkast hún að norðan af skurði, sem liggur þvert af heimvegi félagsheimilisins til norðvesturs. Norðvesturmörkin eru skurður 123 m að bugðu, síðan bein lína í framhaldi skurðar, alls 184.2 m að lengd. Suðvesturmörkin eru bein lína, 214 m löng, í horn sunnan við félagsheimilið. Þaðan eru mörkin bein lína til norðausturs að skurðenda, sem liggur að heimvegi félagsheimilisins.

Eigendur félagsheimilisins eru:

Biskupstungnahreppur að	68	hundraðshlutum.
Ungmennafélag Biskupstungna að .	30	—
Kvenfélag Biskupstungna að	2	—

2. gr.

Húsnefnd, kjörin árlega, stjórnar félagsheimilinu. Hún er þannig skipuð, að hvert félag eigenda kys einn mann. Varamenn skuli kjörnir á sama hátt.

Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda þjóðskjalasafni gerðabækur þess til vörzlu.

3. gr.

Húsnefnd heldur fund er þurfa þykir. Skyld er henni að halda fund, ef einn nefndarmanna óskar þess.

Aðalfundur eigenda félagsheimilisins skal vera ár hvert. Skulu þangað kvaddir, með hæfilegum fyrirvara, fulltrúar þeirra félaga, sem eru eigendur félagsheimilisins. Á fundinum skal húsnefndin leggja fram rekstrar- og efnahagsreikning félagsheimilisins fyrir síðast liðið ár, endurskoðaða af endurskoðendum sveitarsjóðsreikninga eða löggiltum endurskoðanda. Einnig leggur hún fyrir fundinn fjárhagsáætlun fyrir félagsheimilið á yfirstandandi ári.

Fjárhagsáætlunin skal gerð svo nákvæm sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað. Reikninga og fjárhagsáætlun skal bera undir atkvæði fundarmanna. Húsnefndarmenn fara